



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. Vtrum appetitus inferior seu paßio moueat aliquando voluntatem per
se immediatè absque interuentu rationis.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Quæst. 9. De Motu Voluntatis Art. 1. Dub. 6. Art. 2. Dub. 67

Respondeo, Non illam esse causam, quod illa consideratio sit speculativa: nam etiam est speculativa, dum ordinatur ad amorem (nisi quis generatim vocet practicam, ob extrinsecam illam relationem ad proximam, quod tamen non propter diceretur) nam obiectum est merè speculabile, non operabile. Ratio ergo, cur non moucamur tali speculacione, est, vel quia affectus non mouetur, nisi quando res modo sensibili veluti ob oculos ponitur, vel quia amor est liber; tunc autem non volumus amare, sed intelligere penitus penetrando. Quod si velimus amare, statim posita illa speculacione, id possumus. Itaque speculativum iudicium sufficit.

Dico Tertio, Ad actum intentionis & electio-
nis requiritur iudicium practicum.

27
*Intentio &
electio re-
quirunt
iudicium
practicum.*

Probatur, quia iudicium practicum est, quo mens dictat quid nobis, vel alijs sit agendum: ideo enim dicitur practicum, quod verletur circa nostras operationes, tamquam circa proprium obiectum. Atqui intentio requirit tale iudicium, intendere enim aliquid, est velle illud consequi: ergo debet antecedere iudicium, bonum esse id consequi. Pari ratione electio requirit iudicium, quo iudices utile esse hoc facere.

ARTICVLVS II.

Vtrum voluntas moueat ab appetitu sensitivo?

28 Respondeo, Voluntatem interdum moueri ab appetitu sensitivo, nempe ex parte obiecti, & mediante iudicio rationis. Ratio est, quia motus appetitus sensitivus est causa cur aliquid ab intellectu apprehendatur, vt conueniens vel disconueniens subiecto: sicut etiam instinctus naturales in animalibus faciunt, vt quedam obiecta ab illis apprehendantur vt conuenientia vel disconuenientia: ita affectiones appetitus, *amor, odium, ira, timor*, sunt causa cur interdum intellectus apprehendat tamquam conueniens vel repugnans, quod alias non apprehenderet.

Appetitus inferior pos-
tes mouere voluntatem, necesse est intellectum induci in erore.

abque er-
ore intellec-
tus. Respondeo, Non est necesse, vt inducat in aliquem errorem speculativum; sufficit enim vt intellectus judicet hoc opus, v. g. occidere inimicum, esse hic & nunc conueniens; quod iudicium est verum; nam ratione iræ vere est conueniens, non quidem vt res honesta, sed vt delectabilis; quod sine ira non sive est conueniens. Sicut potest est conueniens & delectabilis ei qui sitit, qui tamen absque siti non est conueniens. Interdum tamen passio est tam vehemens, vel intellectus tam cœsus, vt id quod ratione passionis est conueniens, judicetur esse honestum vel licitum; & tunc intellectus decipitur. Verum hæc deceptio non est necessaria, vt appetitus inferior moueat voluntatem.

D V B I V M
Vtrum appetitus inferior, seu passio, moueat aliquando voluntatem per se immediate absque interventu rationis?

M Edina hoc loco affirmit. Docet enim voluntatem tribus modis mouere appetitum inferiore. Primo, Mediente imaginatione. Secundo, Mediente solo imperio intellectus, quo imperet passionem. Tertio, Ex sola redundantia affectus ex voluntate in appetitum inferiorē, sine imaginatione & imperio.

Pari modo docet, voluntatem tribus modis moueri ab inferiore appetitu; qui tamen tres modi, reuerā non nisi duo sunt. Primo, Ex parte obiecti, dum passio efficit, vt obiectum, ad quod ipsa incitat, intellectui videatur bonum. Secundo, Ex parte subiecti; dum ipsa passio per se trahit voluntatem ratione colligationis virium animarum; talis enim est connexionis appetitus superioris cum inferiore, vt vis motus alterius redundet in alterum.

Respondeo, Numquam posse voluntatem immediate moueri ab appetitu inferiori, sed tantum mediante iudicio, vel apprehensione rationis. Vnde secundus ille modus est fictitious.

Probarur Primo, Quia ratio est propria regula & mensura voluntatis, per quam ipsa, cum ex se sit causa, est dirigenda: ergo sine hac moueri nequit.

Secundo, Quia alioquin ferretur in incognitum; apprehensio enim imaginatrix non est illi modo proportionata: vnde perinde se habet ad illam, ac si non esset.

Tertio, Quia inter actum intellectus & voluntatis, est essentialis ordo & quasi dependentia: vt patet in Deo, & in Angelis.

Hinc patet, Voluntatem quoque una duntaxat ratione mouere appetitum inferiorem, nempe mediante imaginatione, quae est propria illius appetitus regula.

Obijcitur Primo, Experiencia docet, dum ira vel alia passionem vehementer affecti sumus, nos difficultè cohibere consensum voluntatis: atque hæc difficultas in voluntate non potest provenire ex sola propositione obiecti, quod apprehendit ut conueniens; quia alias, etiam si apprehenderetur ut conuenientissimum, tamen non adferret tantam difficultatem voluntati. Ergo passio per se ipsam trahit potentiam voluntatis in consensum.

Respondeo, Illam difficultatem in voluntate provenire non immediate ex vi & tractu passionis, sed ex affectu quodam orto in voluntate, mediante apprehensione intellectus: simul atque enim passio exoritur, intellectus apprehendit obiectum ut conueniens, & eodem momento oriatur vehemens complacentia vel displicentia in voluntate, quæ omnem difficultatem parit, quia intrinsecè voluntatem inclinat.

Obijcitur Secundo, Interdum fit vt voluntas repente moueatur vi passionis, priusquam ratio aduertat: ergo non semper mouet voluntatem mediante ratione.

Respondeo, Numquam moueri voluntatem à passione, nisi prius natura intellectus apprehendat obiectum ut conueniens.

F iiiij

Nec

Nec obstar, quod ratio non aduertat se apprehendere; nam ad hoc opus est actu reflexo, qui non est necessarius ut intellectus voluntatem moueat. Imò ita nobis naturaliter ex passione sequitur apprehensio intellectus, idque repente, & priuilegium possumus perfectè attendere; quia non habemus vires nostras perfectè in nostra potestate, sicut in statu innocentiae.

Objicitur Tertiò. Motus voluntatis interdum perseverat iudicio rationis repugnante, & contrarium dictante; vt sit cum quis ex inopinato videt inimicum; tunc enim subito exortitur affectio vlciscendi in voluntate, que perdurat, etiam si intellectus dicit non esse vlciscendum. Idem experimur in alijs tentationibus, ergo &c.

Respondeo, Mirum non esse motionem voluntatis perseverare contra dictame intellectus, quia etiam perseverat imperfecta quedam apprehensio intellectus, qua continuè apprehenditur objectum ut conuenienter, que apprehensio facile potest confidere cum iudicio, quo iudicatur non esse honestum vel licitum.

ARTICVLVS III.

Virum voluntas moueat seipsum?

Respondet D. Thomás, Voluntatem mouet seipsum, quatenus ex vi intentionis finis mouet se ad electionem mediorum: vt cum quis ex amore sanitatis eligit medicinam.

ARTICVLVS IV.

Virum voluntas moueatur ab aliquo exteriori principio?

32

Respondet tribus Conclusionibus. Prima est, Voluntas ad speciem sui actus mouetur ab aliquo exteriori principio, quod est ipsum objectum. Patet ex art. 1.

Secunda est, Voluntas ad exercitium actus in electione mediorum, mouetur à seipso. Patet ex art. 3.

Tertia, Voluntas in quoquis primo motu suo, non mouet seipsum ad exercitium actus, sed mouetur ab aliquo exteriori principio; quod est Deus: vt patet art. 6. Quod seipsum hic non moueat, probat, quia vt seipsum moueat, debet mediante consilio, & ex affectu alicuius finis precedentem mouere; atqui primū motum nō precedit consilium aut affectus prior, ex cuius vi sequatur: ergo non mouet seipsum ad primum motum. Vnde relinquitur moueri à causā extrinsecā, scilicet à Deo.

Quid hie intelligitur nomine primi motus? Vbi Notandum, Primum motum voluntatis hic vocari, non eum solum qui primus est totius vita: sed etiam qui in quoquis negotio primus est, seu, qui non est ortus ex vi prioris voluntatis; vt patet ex corpore huic Articuli, vbi ponit exemplum in amore sanitatis. Talis est amor cuiusvis finis, vt cum quis appetit sanitatem, honores, voluptatem, & similia, propter seipso, non referendo illa ad alia bona.

D V B I V M.

Virum voluntas in primis actibus seipsum moueat ad exercitium; an vero tantum moueatur ab exteriori principio?

Q Vidam Thomistæ, inter quos Capitulo in d. 2. q. 24. ad octauum contra 5. Conclus. & d. 25. ad argumenta contra 1. & 2. Conclus. putant voluntatem neque physicę, neque moraliter mouere ad primos actus; sed eos à Deo veluti infundi.

Alij concedunt voluntatem se physicę mouere, non tamē moraliter; ob rationem D. Thomæ, quam diximus.

Respondeo, Voluntatem verè & propriè seipsum mouere in primis actibus, seu in amore & intentione cuiusvis finis, non solum physicę, sed etiam moraliter. Est communior sententia Doctorum. Vide Scotum in d. 2. q. 2. & d. 25. q. unica, & Marfil, in d. q. 16. a. 4.

Quod physicę seipsum moueat, probatur; quia amor finis est actus vitalis: ergo effectu procedit à voluntate, tamquam à principio intrinseco; hoc enim est de ratione vita, vt suprà ostendimus. Secundo, Quia est actus voluntarius & spontaneus: ergo à principio intrinseco; hoc enim est de ratione spontanei. Tertiò, Voluntas applicat alias potentias ad exercitium actus, hoc ipso quod vult illarum operationes: ergo & seipsum applicat ad amorem finis dum vult amare: ergo hoc ipso quod amat, applicat se ad amandum. Quartò, Quia intellectus & omnes sensus seipso physicę mouent; in seipsis enim motus suos vitales producunt. Cur non etiam voluntas seipsum moueat?

Quod vero etiam moraliter seipsum moueat, id est, non vt causa naturalis, sed vt libera, & domina sui actus (hoc enim voco hic moraliter mouere; motus enim humani habent esse morale à libertate) probatur Primo; Quia voluntas nulla necessitate amat aliquid bonum in hac vita; sed ita cuius amor dominatur, vt dum illum elicit, in plena sua potestate habeat non elicere: ergo seipsum liberè mouet ad exercitium cuiusvis amoris. Secundo, Voluntas seipsum determinat ad exercitium amoris cuiuslibet finis; vt patet ex dictis suprà, q. 6. a. 2. Atqui hoc est liberè seipsum mouere: ergo, &c. Tertiò, Amor finis imputatur voluntati ad meritum, si sit bonus; & ad demeritum, si sit malus: ergo ipsa in his se moraliter mouet. Is enim moraliter mouet & agit, cui opus imputatur ad laudem vel vituperium. Denique amor finis sibi est prauus; vt cum quis amat illicitas voluptates, & indebitos honores: atqui talis amor non potest referri ad Deum, tamquam in causam, quæ voluntatem ad illum moueat: ergo in solam voluntatem.

Ex his patet responsio ad rationem Thomistarum suprà positam. Ut enim voluntas seipsum moueat, non est necesse vt præcedat aliqua consultatio, vel intentio finis, ex cuius vi se moueat; sed suffici vt præcedat cognitio finis: tunc enim voluntas ex sua indifferenti potestate potest seipsum ad amorem illius mouere, siue bonus ille sit, siue malus.

Dices, Quid ergo sibi vult D. Thomas hisce duobus